



SWD TWEEKAMP•BIATHLON



JAARVERSLAG

2016 - 2017



The Better Together Sponsor

SWD TEEKAMP: VOORSITTERSVERSLAG

Dit is vir my aangenaam om my 27^{ste} [en laaste!] voorsittersverslag te kan voorlê en mag ek byvoeg, dat dit sedert 1990 vir my 'v voorreg was om tweekamp te kon dien en dat my gesin my die ruimte daarvoor gegee het. Ek is seker tweekamp in die SWD sal net groei en nog hoër hoogtes bereik.

Sport in Suid-Afrika in die algemeen, stel groot uitdagings tans, veral die finansiële en logistieke uitdagings. Ernstige aandag sal aan Transformasie gegee moet. Daarby raak die beskikbaarheid van vrywillige administreurs alhoe kleiner!

Die 2017 SPORTSMAN WAREHOUSE SA Tweekampkampioenskappe in die Paarl was puik aangebied deur Boland Tweekamp en veral die onthaal tussen die wynbottels was uniek! Daar was ook veranderinge op die SA Bestuur met Wilhelm Louwrens as nuwe Vise-President en Johan Ferreira as sekretaris – beide van WP. Dankie ook vir die voorreg wat my toegeval het om as Vise Ere-President aanvaar te word – dit word waardeer!

HIGHGATE is weer in al sy glorie terug as ankerborg en die nuwe formaat van onthaal blyk ook 'n wenner te wees. Ek is seker die nuwe bestuur gaan nog vir lank die pad saam met saam met Johan Keller van Highgate stap! Ook die Groter Oudtshoorn Municipaaliteit en die Weskaapse Departement van Kultuursake en Sport is weer deel van die beplanning vir die 2017/18 seisoen. Dieloodsprojek vir Nasionale Skolekompetisie was ook 'n groot sukses in die suide en ons hoop dat di took sal groei in die noordelike provinsies.

42^{ste} SA KAMPIOENSKAPPE 2017 – PAARL [Yvonne McKay]



Die HIGHGATE SWD Tweekamp kan terugkyk op 'n baie suksesvolle 42^{ste} SA TEEKAMP KAMPIOENSKAPPE in die Paarl 7/8 April 2017. Meer as 774 atlete uit 14 provinsies het het deelgeneem en uitstaande prestasies is gelewer. SWD het 'n span van 71 atlete gestuur en beslis hulle plek gestaan tussen die groot kanonne!

SWD verower 5 goud, 2 silwer en 3 brons medaljes vir 'n totaal van 10! Vir die Presidentstoekenning vir die provinsie wat die meeste medaljes verower het, was dit net die WP wat die SWD in die medalje-wedloop kon klop! Dit is beslis 'n aanduiding van die kwaliteit tweekampatleet uit die SWD! Daarbenewens verbeter Johan Windt [Meesters Mans] en Tammy Greenwood [D/11] albei SA rekords!. Twee van die 4 top toekennings, Die Junior Victor Ludorem [Gustav Schlechter – S/15] en Senior Victor Ludorem [Johan Windt – Meesters Mans], gaan ook na die SWD! SWD eindig 5^e in die junior afdeling, 3^e in die senior afdeling en in die spankompetisie 'n skitterende vierde plek – na WP [wenner], Boland en

Vrystaat! Die rede was dat een en elke atleet meer as hul beste gegee het. Minke Janse van Rensburg, SWD se atleet met besondere behoeftes, het ook haar goue medalje verower!

SA Kleure is ook toegeken aan Tammy Greenwoord, Gustaf Schlechter, Yvonne du Plessis en Johan Windt . Dave van der Walt, voorsitter van SWD Tweekamp, word ook vereer met die toekenning van Lewenslange Ere-lidmaatskap as Ere Vise Voorsitter van SA Tweekamp vir sy jarelange bydrae tot tweekamp in Suid-Afrika – dit was toevallig sy 26^e SA Kampioenskappe wat hy bygewoon het!

Die SWD medaljewenners is:

S/11	Luca Potgieter	Silwer	2363
D/11	Tammy Greenwood	Goud	2375 [nuwe SA rekord]
S/15	Gustav Schlechter	Goud	2460
D/17	Lara Schlechter	Silwer	2343
D/19	Yvonne du Plessis	Goud	2372
D/19	Bianca le Grange	Brons	2270
Junior Vet Mans	Juan Pretorius	Brons	2322
Dames Veterane	Tanya Livingston	Brons	2283
Meesters Mans	Johan Windt	Goud	2455 [nuwe SA Rekord]
Gestremde Dogters	Minke Janse van Rensburg	Goud	

Puik prestasies is ook gelewer deur Jada Coetzee [D/11 – 8e], Llewlyn Viljoen [S/15 – 9e], André Kleynhans [S/17 – 7e], Anlize Vermeulen [D/17 – 7e], Russel Pratt [S/19 – 5e], Charl Fourie [Mans Jun Vet – 10e], Lorinda du Preez [Dames Junior Vet – 10e], Marius Schlechter [Mans Sen Vet – 5e] en Edie Lutsch – almal onder die top 10 in Suid-Afrika!

ONTWIKKELING

Ontwikkeling het nie vanjaar gevorder soos beplan is nie – hoofsaaklik agt fasilitet- en afrigterbeskikbaarheid. Die klem het vir die volgende paar jaar na gestremdes verskuif en die Carpe Diemprojek vorder fluks in George geneem. Alhoewel DCAS-fondse nie bekom kon word nie, het SWD Tweekamp uit eie findse die projek aangepak. Groot dank aan Chris van Wyk, Sybel Hughes en Marali Olien vir hulle onbaatsugtige diens.



KAPASITEITSONTWIKKELING

In wat as 'n eerste beskou word vir EDEN [en moontlik die Weskaap!], het HIGHGATE SWD Tweekamp in vennootskap met die Weskaapse Departement van Kultuursake & Sport [DKES] op Donderdag 16 Maart 2017 'n kapasiteitswerkswinkel aangebied vir gestremde persone en atlete om as beampies by atletiek, swem en tweekamp op te treé. Daar is hoofsaaklik op tydhou gekonsentreer. Op hierdie wyse is gestremde persone verder bemagtig! In sy openingsrede het Dirk van der Westhuizen [DKES –Eden] SWD Tweekamp geloof maar ook genoem dat dit jammer is dat dit so lank geneem het om 'n werklikheid te word. Die puik fasiliteite van Eden Sportakademie op Oudtshoorn is vir die geleentheid gebruik.

In sy verwelkoming het Dave van der Walt, voorsitter van SWD Tweekamp, die 32 gestremde persone versoek om deel te word van die hoofstroom beampies en hulle volwaardige plek daar in te neem. Hulle het 'n groot rol om daar te vervul. Hy het ook 'n uitdaging gerig aan ander sportkodes om ook te belê in gestremdes as beampies. Die atletiekgedeelte is behartig deur Abrie de Swardt terwyl Sureta Badenhorst die swemdeel gedoen het. Elkeen het 'n handleiding ontvang en is aan die einde beloon met 'n sertifikaat wat deur die vise voorsitter van SWD Tweekamp, Godfrey McCallum, oorhandig is. Danksy die vennootskap tuseen SWD Tweekamp en DKES kon die werkswinkel gratis aangebied word!

Susanna Spires van die Klein Karoo Vereniging vir Gestremdes het agterna die gestremde gemeenskap se dank uitgespreek vir die baanbrekerswerk wat SWD Tweekamp vir hulle doen. Sys al graag meer sulke projekte wil sien.



"DOUBLES"-BYEENKOMS [17 Jan 2017]

Die konsep is dat 'n erkende tweekampatelet 'n ander atleet wat nog nie aan tweekamp deelgeneem het nie, saambring en elkeen doen een been [of swem of hardloop]. Die 2017-seisoen van tweekamp in die SWD is ingewy met die tradisionele HISENSE DUBBELS-byeenkoms. Die kompetisie is besonders in die oopsig dat twee atlete 'n span vorm en dan doen elke atleet net een van die bene – of hardloop of swem. Elke atleet se punte behaal word dan saamgevoeg om die wenners te bepaal! Vanjaar het nie minder nie as 35 spanne deelgeneem. Besonders was ook die feit dat 'n span van gestremde atlete ook deelgeneem het! Die uitslae was as volg:

HISENSE SWD DOUBLES				Sen = 19-26; Jun Vet = 27-39; Vet = 40-49; Sen Vet = 50+; Meesters 60+			
OUDTSHOORN, 17 Jan 2017 OUDTSHOORN							
HARDLOOP			SWEM				
NAAM	OUD	PUNT	NAAM	OUD	PUNT	TOTAAL	
1 ELME CONRADIE	15	1210	JOHAN WINDT	64	1130	2340	
2 LLEWELYN VILJOEN	15	1070	CHRIS VAN WYK	48	1140	2210	
3 FRANCOIS MQWASSA	21	1146	BIANCA LE GRANGE	19	1040	2186	
4 KARYN ENGELBRECHT	16	1050	ANNLIZE VERMEULEN	15	1130	2180	
5 CORLI-MARE GRIFFIOEN	13	1005	DEVAN BARNARD	17	1090	2095	
6 JARRED JORDAAN	15	985	HEINTO VERMEULEN	19	1070	2055	
7 BERDIN FIVAZ	13	1110	MINCKE JANSE VAN RENSBURG	13	945	2055	
8 KARI GRIFFIOEN	9	1030	JADA COETZEE	11	1010	2040	
9 ZIAN WINDT	11	1046	BERNARDT ZAAIMAN	35	990	2036	
10 ANDRI SWART	17	1060	MARLE VAN WYK	17	940	2000	

INTERPROVINSIALE BYEENKOMSTE

SWD het die afgelope jaar aan twee interprovinsiale byeenkomste deelgeneem – OP Interprovinsiaal [PE, Okt 2015] en HIGHGATE Interprovinsiaal [Oudtshoorn, 4 Februarie 2017]. Die HIGHGATE byeenkoms is deur SWD aangebied.

OP INTERPROVINSIAAL – PORT ELIZABETH [30 Okt 2016]

Die SWD Tweekampspan het aan die OP Interprovinsiale Byeenkoms in Port Elizabeth deelgeneem. Die hardloop-komponent is op die Westbourne Oval afgehandel terwyl die swem in die pruik Newton Park swembad geskied het – in heerlike weersomstandighede! Die ander provinsies wat deelgeneem het was Grens, OP en Vrystaat. Die span kompetisie is deur OP gewen met SWD in die tweede plek gevvolg deur Grens en dan Vrystaat. SWD moes egter sonder baie van hulle potensiële medaljewenners klaarkom! Johan Windt en Chris van Wyk [in China] en die Schlechter-gesin [in die VSA] so verseker tot die medalje-oes van 11 kon bydrae!

Die SWD span het met 11 medaljes teruggekeer – 4 goud, 4 silwer en 3 brons! Daarbenewens het nog 'n paar atlete onder die top 5 in hulle ouderdomsgroepe geeindig. Vanjaar is vir eerste keer ook 'n O/8-oudersdoms-groep deur SA Tweekamp ingebring wat blyk baie gewild kan word.

HIGHGATE/DCAS/GROTER OUDTSHOORN INTERPROVINSIALE TEEKAMP [4 Feb 2017]

Die 26^{ste} HIGHGATE/DCAS/GROTER OUDTSHOORN Interprovinsiale Tweekampbyeenkoms is deur kenners as die beste nog ooit beskou. Nie minder nie as 10 byeenkomsrekords en 6 splinternuwe SA Rekords is daargestel nie. 512 atlete het in absoluut ideale weersomstandighede mekaar die stryd aangesê en tweekamp uit die boonste rakke gelewer. Dit is afgesluit met die prysuitdelingsfunksie op Highgate wat deur meer as 480 mense bygewoon is. Die eregas was die Weskaapse Departement van Kultuursake & Sport Minister, me Anroux Marais. In haar toespraak het sy die belangrikheid van talent-identifikasie op vroeë ouerdom genoem en weer eens bevestig hoe belangrik 'n gesinsport soos tweekamp vir gesonde ontwikkeling en leefstyl vir almal is!

SWD het puik gevaar en 14 medaljes inge-oes – 7 goud, 3 silwer en 4 brons! Daarbenewens het SWD ook twee van die top toekennings, die Junior Victor Ludorem [Gustav Schlechter, Outeniqua] en die Senior Victor Ludorem [Johan Windt, Mosselbaai] ingepalm! Nie minder nie 4 vierde plekke en 4 vyfde plekke het baie bygedra tot die derde algehele plek wat SWD in die spanskompeticie behaal het. WP was die wenner met Boland in die tweede plek, SWD derde gevolg deur OP, Grens, Griekwas en Vrystaat. HISENSE het duisende rande se produkte geborg – vanaf die jongste selfone tot Bluetooth luidsprekers!

Ook die nuwe skolekompetisie het opwindend geeindig met Durbanville LS wat die laerskole afdeling ingepalm het en daarmee R1500 vir die skool ingepalm het [geborg deur Sportsman Warehouse] terwyl Stellenberg die hoërskole kompetisie ingepalm het. HS Outeniqua het die SWD se naam hoog gehou met 'n derde plek! Toni Shi van HISENSE het dan ook aangekondig dat hulle vanaf volgende jaar die skole-kompetisie nasionaal gaan borg!

Tydens die opening die oggend het die burgemeester van Oudtshoorn, raadsheer Colan Sylvester, weer eens die belangrikheid van Oudtshoorn as toernooibestemming onderstreep. Dave van der Walt, voorsitter van SWD Tweekamp vir die afgelope 26 jaar, het ook sy uittrede uit tweekamp ampelik aangekondig. Nadat hy die afgelope 25 jaar hierdie byeenkoms gereël, is dit wonderlik om op so 'n hoë noot te groet! Hy het ook genoem dat tweekamp in die SWD verseker in goeie hande sal wees.

Die nuwe SA Rekords is daargestel deur:

Christi Engelbrecht	BOL	S/9	2433
Simone v d Merwe	BOL	D/9	2448
Dawid Kriel	WP	S/11	2375
Tammy Greenwood	SWD	D/13	2344
Juan Pretorius	SWD	Jun Vet Mans	2292
Esrie Loock-Bezuidenhout	WP	Jun Vet Dames	2265

Die Senior Victrix Ludorem het aan OP se Shannon Scholtz gegaan terwyl Amie Scott [WP] en Kelly Vroom [WP] die Junior Victrix Ludorem deel.



OPVOLG-BEPLANNINGS IMBIZO [13 Sept 2017]

Die huidige voorsitter, Dave van der Walt het aangetoon dat hy na 27 jaar die tuig gaan neerlê. SWD Tweekamp het 'n trotse rekord en word beskou as een van die leidende tweekamp-provinsies in Suid-Afrika en verseker dié provinsie op die gebied van ontwikkeling – tenspyte van die grootte! SWD Tweekamp het in die verlede 'n rol gespeel in SA Tweekamp en in hierdie tyd twee keer 'n baie suksesvolle SA Kampioenskappe [2001 & 2011] aangebied en die afgelope 25 jaar ook

die Highgate Interprovinciale byeenkoms – en dit uitgebrei tot die tweede grootste tweekampbyeenkoms in Suid-Afrika [naas die SA Kampioenskappe]. SWD Tweekamp kan getuig van

- ‘n gesonde administrasie – elke jaar ‘n AJV met alle dokumente;
- ‘n gesonde finansiële en beheer stelsel – [van ‘n oortrokke bedrag van R9800 tot ‘n positiewe balans van R245 000 tans] – het nog nooit iets anders as ‘n ongekwalfiseerde ouditeursverslag ontvang nie;
- ‘n gesonde ligastelsel, ‘n jaarlike kampioeskap en of medaljes of sertifikate;
- ‘n aktiewe webtuiste en Facebook-blad;
- ‘n omgee-beleid teenoor ons atlete;
- ‘n bateregister met ‘n waarde van ongeveer R72 000;
- ‘n ontwikkelingsbeleid en – klinieke;
- Spog al met toekennings van Weskaap [1], Eden [1] en finalis [1] se Federasie van die Jaar;
- Heelwat van ons atlete/administrateurs is al vereer op alle vlakke;
- Was ons nog nooit skaam vir ons atlete/administrateurs se drag en gedrag nie;
- Is SWD Tweekamp nog altyd in “good standing” met EDENSR en DCAS;
- Kon ons baat vind by befondsing van DCAS agt behoorlike aansoeke, administrasie en rapportering;
- Ons jaarliks [al vir 26 jaar] borgskappe beding het [en gekry het] – Highgate rofweg meer as R250 000!

Soos u self hieruit kan aflei, is SWD Tweekamp opgebou tot ‘n leidende en gerespekteerde sportliggaam wie se invloed baie verder strek as net ons grense in Eden! Om hierdie prestige posisie te behou [en verder uit te brei], moet behoorlik beplan word. Daarvoor ‘n SWOT-analise sekerlik die beginpunt. Ons in SWD Tweekamp het in ‘n gemaksone verval omdat daar maar altyd ‘n klein groep persone was wat byna al die werk gedoen het – tot so ‘n mate dat die bywoningsyfer by die AJV skreidend swak geword het! Ons sal behoorlik moet beplan as ons SWD Tweekamp se voortbestaan wil verseker – die eise word alhoemeer. Ek is seker die eerste persoon wat sal erken dat die eise en inbreuk wat die vrywillige diens op ons gesinslewe het, enorm is en soms tot groot persoonlike en finansiële verliese lei. Ons huise word sportkantore en ons persoonlike eiendom die gebruiks-apparaat van die sportvereniging! Omstandighede en tyd se eise het baie verander en meer uitdagend geword. Waar ons in die verlede baie op onderwysers kon leun, het hierdie bron ook opgedroog agt die geweldige eise wat die onderwys- en onderwysdepartement aan hulle stel.

Die **administrasie** van SWD Tweekamp het van so ‘n aard geword dat dit net eenvoudig te veel geword het vir ‘n werkende, vrywilliger. Aansoeke vir fondse, verslae, reëling van byeenkomste, mediaberigte en foto’s, die bedryf van die ligabyeenkoms, die gesukkel met die swembad, die reëlings rondom nasionale toernooie, klerebestellings, die hantering van die bates, die reëling van ontwikkelingsklinieke en kapasiteitskursusse, die rondsleep van die waentjie, die byhoue, byhou van menigte lêers en opstel van finansiële verslae – ag, te veel om te noem!

SWOT-ANALISE

STERK PUNTE	SWAK PUNTE
<ul style="list-style-type: none"> • Tartan baan • 3 Olimpiese standaard swembaddens • Highgate bring elke jaar miljoene rande in vir Oudtshoorn & streek; • Sterk bestuur van tweekamp • Highgate borgskap & DCAS beforndsing • Highgate as top byeenkoms in Suid-Afrika • Gevestigde bestuurstelsel • Gevestigde kleurebeleid & -stelsel • Vertroue van borge en donateurs 	<ul style="list-style-type: none"> • Klein bestuurskorps • Gemaksone van lede • Geen noemenswaardige sport tersiëre inrigtings • Klein vervaardigingsektor vir hulp • Afhanklik van vrywilligers •
UITDAGINGS	GELEENTHEDE
<ul style="list-style-type: none"> • Geweldige afstande • Oudtshoorn enigste venue wat aan eise voldoen • Verval van sportfasilitete en swak onderhoud • Tanende ondersteuning van munisipaliteit • Kwynende borge mark • Hoë uitgawes van sport 	<ul style="list-style-type: none"> • Sportgeleenthede vir ons atlete • Skep beursgeleenthede vir ons atlete by tersiëre inrigtings • Ekonomiese inspuiting vir ons streek

MOONTLIKE OPLOSSING

Daar is basies twee opsies wat na gekyk kan word – eerstens dat die status quo gehandhaaf word en die proses soos in die verlede gevvolg word en tweedens dat ‘n operasionele bestuurder teen vergoeding aangestel word om die daagliks

bestuur te hanteer. Daar word soos in die verlede 'n Bestuur gekies wat netsoos in die verlede alle beleidsake hanteer. Die operasionele bestuurder doen al die dag-tot-dag reëlings in samewerking met die bestuur. Die fyner detail kan na die Imbizo bepreek en uitgeklaar word. Hierdie persoon sal uit die aard van die saak baie nou saam met die sekretaris saamwerk. Die grondwet maak wel voorsiening vir so 'n aanstelling. Hierdie persoon se pligtestaat kan moontlik die volgende insluit:

- Reëling van byeenkomste;
- Reëling van Ontwikkelingsprojekte en kapasiteits-werkswinkels;
- Verkryging van borge teen kommissie;
- Aansoeke by regeringsliggame vir befondsing;
- Beheer oor die bates soos apparaat, waentjie, ens;
- Bywoon van vergaderings waar benodig
- In kort – die operasionele bestuur van SWD Tweekamp.

Hierdie is moontlik die toekoms-visie en 'n langtermynuitkoms – nie net vir SWD Tweekamp nie, maar ook vir tweekamp in Suid-Afrika.

FINANSIES

Die finansies van SWD Tweekamp is gesond soos aangedui deur die geouditeerde state wat deur Alice le Roux Ingelyf gedoen is. Groot dank aan die Bestuur wat ten spyte van die hoë finansiële druk net die beste vir die SWD-atlete doen en die kostes so laag moontlik hou. Dank moet ook gaan aan die Wes-Kaapse Departement van Kultuursake & Sport, die HIGHGATE, Groter Oudtshoorn Munisipaliteit asook al die sekondêre borge en donateurs, wat deur hulle finansiële ondersteuning dit moontlik maak. 'n Groot dank ook aan ons ouditeure van baie jare, Alice le Roux Ing, in die besonder Stephanie Koegelenberg, wat altyd bereid was om op kort kennisgewing ons state onder beheer te kry!

NUWE UITDAGINGS

- Nuwe Bestuur
- O/8 ouderdomsgroep
- Nuut-aangepaste puntetabelle
- Skoleliga se vestiging
- Moontlike nuwe bestuursformaat

BEDANKINGS

Graag wil ek van hierdie geleentheid gerbuik maak om net die volgende persone en instansies te bedank:

- Alle ouers, onderwysers, afrigers, borge en belangstellendes wat dit vir SWDTV moontlik maak om te vorder;
- Aan die SWD Bestuur vir die flinke wyse waarop hulle tweekamp in die SWD bedryf en die tyd wat hulle opoffer asook die ondersteuning wat hulle my as voorsitter gebied het;
- Aan al SWD se borge, donateurs en vriende;
- Aan Johan Keller en HIGHGATE vir hulle jarelange ondersteuning en borgskap;
- Mnr George Botha van KLEIN KAROO, vir die borgskap van die waentjie;
- SASKO vir hulle borgskap van sambrele & kazebo's tydens die HIGHGATE-byeenkoms;
- Die Departement van Kultuursake en Sport van die Weskaap, en in die besonder die plaaslike SWD-kantoor [Jean Neethling & Dirk van der Westhuizen] vir hulle onbaatsugtige ondersteuning en fisiese bystand;
- Aan ons plaaslike media vir hulle volgehoue ondersteuning;
- Aan alle skole en klubs wat hulle beywer vir die ontwikkeling van ons sportsoort;
- Aan al ons atlete wat so getrou die ligabyeenkomste bywoon;
- Aan die munisipaliteit van Oudtshoorn en ander instansies vir die beskikbaarstelling van hulle fasiliteite en geriewe;
- Aan my vrou en gesin wat maar altyd bereid is om aan die agterste speen te suig;
- Aan ons dierbare Vader wat ons die krag en genade gee om hierdie taak te verrig.

Ek dank u.



Dave van der Walt
Voorsitter